

蟻

術

詞

選

蟻術詞選目錄

一卷

令

擬古十首

河傳

擬花間
春日宮詞

蝶戀花

擬雪堂
夜宿西掖

鳳來朝

擬清真
詞送別

臨江仙

擬無住
水檻過雨

賣花聲

擬順菴
早朝應制

杏花天

擬白石
垂虹夜泊

小重山

擬梅溪
尊前贈妓

鵲橋仙

擬稼軒
中原懷古

浪淘沙

擬遺山
浙江秋興

唐多令

擬龍洲
錢塘曉渡

浪淘沙

錢南金疾作
代簡問訊

浪淘沙

晚憩過雨

浪淘沙

感舊

虞美人

柳濱泛荷

虞美人

謝張芳遠
惠杏花

虞美人

水仙

虞美人

壬子歲元夕與和仲義同客橫湖義約予偕作詞紀節序子應之曰古人

有觀燈之樂故形之咏歌今何所見而為

之乎義曰姑寫即景可也夜枕不寐遂成韻語時子有夏之戚每無歡聲詰朝見而義詞竟不成云

河傳

戲效花間體

河傳

戊戌歲暮吳中客樓夜思

浣沙溪

早春二首

浣沙溪

暮春雜興二首

浣沙溪

春感

浣沙溪

丁酉早春試筆東錢南金

浣沙溪

折花仕女圖

一落索

新柳二首

南柯子

次韻衛立禮春街踏月

減字木蘭花

秋思

減字木蘭花

崔女郎像

減字木蘭花

吳江夜泊

清平樂

碧桃

清平樂

梨花

戀繡衾

初夏

戀繡衾

辛丑元日

戀繡衾

曹如文以庚午歲太初老禪泊雲西
居竹二翁燈夕所賦舊藁見示求予

追和屈指三十餘年三老仙去久矣今昔
之感不能已於言也時至正辛丑上元日

後庭花

換古
二首

二卷

令

追和趙文敏公舊作十首

點絳脣

無題

點絳脣

著色苔梅

感皇恩

憶梅

江城子

水仙

蝶戀花

無題
二首

虞美人

無題
二首

浪淘沙

無題

太常引

無題

風入松

南金寓構李子客海隅寄此以做間詞

風入松

與李仲與教舊

風入松

白仁甫集中木蘭花楊結句云二生每歎賞之一日作清平樂贈一道人末

云未試囊中餐玉明朝且入藍田自以為得意時舉以似人仍索予試作一解時陸彥文夏士賢諸子正有出郭行春之約乃綴此復命且訂其盟先生對客擊節不已

江月晃重山

中秋客總

江月晃重山

辛丑上元前一夕積雪試晴頓有春意小溪之上有一張燈于琳

館者慨然感興以此寫之

凭闌人

題曹雲西翁贈故小畫

古調笑令

暮春三首

昭君怨

擬古

阮郎歸

次韻南金早秋夜思二首

西江月

東城夜思

西江月

賦陶九成寶
端朝光書室

西江月

酒闌與南金
倘伴村巷

訴衷情

夜思

太常引

次韻黃伯陽
寒夜

太常引

次韻伯陽雪
中

菩薩蠻

新秋夜涼浴
罷露坐二首

菩薩蠻

蘇小小像

謁金門

秋望
二首

點絳脣

暮登新安鎮
城樓二首

點絳脣

秋夜橫柳旅牕
聽雨有懷故園

點絳脣

高照菴先生宋朝遺老也嘗有長短
句云夢遠荆溪潮肥村甕滿每爾之

自可想見村落秋深景物近見吳荳舟楫
而涵泳不已有當予心故述即景且期後

約

江城子

癸丑歲季夏下幹信步至漁溪潘氏
莊暑雨初霽夕照穿林與吳荳舟坐

綠樹間適行囊中有松雪翁所書江城子
速態飛越不忍揮手因依調口占以寄清

興古人云人生百年間大要行樂耳卒章以此意爲消夏之勉云

花間訴衷情

擬古二首

花間訴衷情

追配曹居竹翁舊作

鬲溪梅令

和南金鴛湖舟中韻

玲瓏四犯秋感

暗香

吳中顧氏舊時月色亭陸壺天倡始用白石先生元韻以詠黃一峯持卷索賦

掃花遊

春晚次南金韻

氏州第一

丙申冬次錢素菴韻

木蘭花慢

蘇昌齡過曹雲翁貞溪故居賦詞致慕蘭之感幼文來致其意求次

韻入卷

長亭怨慢

楊花

渡江雲

庚戌臘月九日與郭仲義同往江陰是夕泊舟無錫之高橋亂後荒寒茅

葦彌望朔吹乍靜山氣乍昏復明起與仲義登橋縱目霜月適野情懷恍然口占紀

行求仲
義印可

八聲甘州 次錢思復懷錢塘舊遊韻

法曲獻仙音

寄蕙雲西老人時吳興張石隱
武林增長源會稽胡伯大海隅

王子章皆留老人賓
館三月二十八日也

滿江紅

丙午重陽前二日雨
霽四涇倚闌望九山

滿江紅

已酉九日雨中
家居憶夏士安願貞
家亭叔姪唐元望元泰元宏元昆元季元六

人皆常年同萸菊者一戴之間俱罹患
難各天一方信筆紀懷有不勝情者矣

洞仙歌

賦孫明舛水
光山色舟水

江城梅花引

已卯除

江城梅花引

陸壺天錢素菴二老相會皆有
感懷承平故家之作素子次韻

而不及當道作者益
備念州木之味也

祝英臺近

和雲西老
人秋懷韻

紅林橋近

水村冬景次
錢素菴韻

紅林橋近

冬雨晚晴次
謝士英韻

春草碧

次韻素菴遺懷

隔浦蓮

水檻晚晴

三卷

悞

蘭陵王

春日寄錢塘諸友

蘭陵王

王彥強以暮春有懷吳中故居之作見示此公蜀故家因以蜀語次韻答之

蘭陵王

歲晚憶王彥強而作

八歸

庚辰七夕與術立禮同用此調

八歸

秋夜詠懷寄南金

摸魚子

歲晚感懷寄南金

摸魚子

寒食雨中

摸魚子

題王德璉山居圖

摸魚子

吳門客中九日
次魏彥文韻

摸魚子

甲辰季秋與夏頤貞同在吳門屢有
登山之興久雨不果重陽日友人羅

仲達以節物爲具同席數人意頗歡適乙
巳九日在九山之東泗水上酒闌散步夕

陽依依罔盡在望興懷往事不能無述未
知明年又在何處駒隙如馳行樂能幾所

謂難逢開口笑也

賀新郎

沙德閏任以南相與追和貫酸齋琵琶詞韻拉子同賦弟元韻出入讀之

不純也

賀新郎

題王德建水村卷

賀新郎

曹園紅梅數種十餘樹雲西老人手植也時殊事異殘枝存者無幾其孫

幼文命客飲于其下永嘉曹新民賦詞為
詠予適有出不與越數日幼文持卷來求

次韻席上口占以答

沁園春

龍洲先生以此詞咏指甲小脚爲絕代膾炙繼其後者獨未之見彥強庚

兄示我眉目二作真能追逐古人於百歲
之上不既難矣暇日偶於衛立禮座上以
告孫李野文爲之筆節不已因
約相與同賦翼日而成什焉

沁園春 無題

沁園春 早春雨
中遣懷

風流子

次李仲興
秋思韻

霜葉飛

小溪歲晚與南
金夜坐分韻

花心動

黃伯陽歲晚見梅適遇舊賦以贈別
持行卷來求孫果翁衛立禮洵子皆

和

花心動

贈散妓蟾
宮秀

南浦

次韻荅南
金見寄

西河

一春索居况味
殊惡賦此起懷

四卷

慢

六州歌頭

戊申歲一春強半風雨不可出戶者至有兼旬之久三月九日寒食

烟雨中望鄰牆桃花殆欲零落感人事之不齊歎芳時之易失信筆紀述斐然成章

桓司馬謂樹猶如此人何以堪今乃信之矣

東風第一枝

年來逆境驅馳不知歲序之有

新正與南金剪燈小酌分題寫懷追念古人樂事今無一在眼時於文字中見其一

二遂合想像舊事爲之然心之所好亦寂

來

東風第一枝

春來兼旬寒氣不減舊臘正月廿二日曹雲翁招飲聽雨西牕

南金偶道及前作翁欣然命筆次韵故又口占爲謝

春從天上來

次南金早春韻

齊天樂

甲戌清明雨中感春

齊天樂

巳卯春客樓雨中懷小館故人行樂

齊天樂

戊子清明次曹雲翁韻

齊天樂

甲午七月望後橫泖客舍驟雨頓涼秋聲滿樹小窓暮倚四無人聲暝色

疑惘不勝悽黯闔戶呼燈著此以紀旅思

齊天樂

乙未春暮錢素菴見和前韻再賦以謝之

齊天樂

戊戌冬初領省撤會無錫州將李正卿同檢踏屯田秋稼此邦兵餘民居

蕩析皆黃茆白骨之境眼界殊惡李侯索賦道間口占復命

齊天樂

次韻王原吉龍江別業

齊天樂

張判南寓金陵時嘗有寄金子尚魏彥文洎踏詞友之作乃辱彥文見念

獨以賞音見許而不知予頻年連嬰逆景久疎詞筆非復向時懷抱矣戊申秋抄却

仲義持示詞卷且辱彥文寄聲併索近作入卷乃為倚歌二闕其一以答彥文其一

以喜翔南還家

齊天樂 寄張翔南

奩展露柔莢添黛眉步移君王猶訝遲

蝶戀花

擬雪堂

夜宿西掖

蓮燭煙銷深院裏玉宇瓊樓夜色明如洗月到紫薇花
樹底闌干露重無人倚金鑰無聲門不啓華髮蕭蕭
尚擁青綾被聽盡樓頭更漏水一榼唱曉鷄人起

鳳來朝

擬清真

汴隄送別

駐馬隋堤路怨凌波背人喚渡正琵琶撥到傷情處又
底事便輕去日照啼紅無數酒杯乾再三細語轉首
又天涯暮怎約得畫橈住

臨江仙

擬無住

水檻過雨

一滴天瓢瀉溽暑夕陽微漏殘紅竹闌乘興倚薰風笑

鷺雙白鳥飛過藕花叢
羽扇綸巾閒到我百季世事
匆匆若耶溪上舊相逢
晚來回首處山色有無中

賣花聲

擬順菴

早朝應制

煙樹重重春在景陽宮
殿翠口深籠寒尚淺
千官過處有黃鸝百轉
五雲中
漸移龍扇
鈞天九奏
迤邐霞觴
催獻笑聲喧霓裳舞遍
香烟滿袖
更宮花迎面
喜新來
太平重見

杏花天

擬白石

垂虹夜泊

月明消却娃宮酒
聽吹笛清寒滿袖
向時雙漿載離愁
去後幾春風待問柳
謾回首
三江渡口念西子
如今在否
上方鐘動客船開
別久寄新詩興未有

小重山

擬梅谿

尊前贈妓

綠鬢低低壓翠鈿雙眉彎似月鬪嬋娟夜涼和袖拂冰絃嬌無奈何況酒尊前歌罷意悠然一聲新鴈過暗愁牽明朝江上水連天凌波步萬一故人憐

鵲橋仙

擬稼軒

中原懷古

殘陽隴樹寒煙塞草戲馬臺前秋老黃河日日水東流斷送却英雄多少西秦笳鼓東山寄傲萬事付之一笑閒來繫馬讀殘碑又目斷江南飛鳥

浪淘沙

擬遺山

浙江秋興

紅葉滿青山掩映溪灣柴門鷄犬白雲間江上艸堂塵不到老子心閒霜後橘闌斑籬鞠香殘夕陽回首一

憑闌世事悠悠吾老矣且放杯乾

唐多令

擬龍洲

錢塘曉渡

晨色動征衣疎鐘隔翠微小蓬萊烟樹高低潮去潮來
吳越恨江上月故依依人老昔遊非愁多春夢稀舊
相思重見無期蘇小門前楊柳樹應折斷最高枝

浪淘沙

錢南金疾作代簡問訊

秋意滿平蕪夢繞蓴鱸一江烟水鴈來初昨夜西風吹
杜若渺渺愁予人隔楚天隅相望躊躇想應多病故
人疎門巷淒涼誰買賦瘦也相如

又

晚牕過雨

楊柳弄黃昏不掩重門長條盡是舊愁痕默自倚簾看

晚色無限消魂 風雨小溪渾春過三分明朝鷺燕又
紛紛唯有天涯芳艸怨依舊王孫

又

感舊

江外雨初收江水悠悠舊時桃葉去難留幾度春風楊
柳暗不繫離舟 別久減風流夢斷西樓年年二月踏
青遊不是沙邊無杜若嬾寄閒愁

虞美人

柳濱泛荷

南風十里平湖外夜舞凌波隊米家書畫滿船頭更著
小憐歌舞障清愁 烏紗不共人間暑別有談元塵近
來嬾作斷腸聲只怕花能解語又多情

又

謝張芳遠惠杏花

閉門日日聽風雨不道春如許
老來猶自愛看花及至
看花雙眼被愁遮
杏花不改臘
面愁裏驚相見
花枝猶可慰愁人
只是鬢髻短髮不禁春

又

水仙

幾年不見凌波步
只道乘風去
山寒歲晚碧雲寒
鷺見飄蕭翠袖倚琅玕
玉盤承露金盃勸
幾度和香嚙冰霜如許
自精神知是仙姿不汙世間塵

又

壬子歲元夕與邾仲義同客橫泖義約
予偕作詞紀節序予應之曰古人有觀
燈之樂故形之咏歌今何所見而爲之

乎義曰姑寫即景可也夜枕不寐遂成
韻語時予有子夏之戚每無歡聲詰朝
相見而義詞竟不成云

客牕深閉逢三五不恨無歌舞天時人事總悽然只有
隔牕明月似當年老夫分外情懷惡無意尋行樂眼
前觸景是愁端留得歲寒生計在蒲團

又

無情世事催人老不覺風光好江南無處不蕭條何處
笙歌燈火做元宵承平父老頭顱改就裏襟懷在相
逢不忍更論心只向路傍握手共沈吟

河傳

戲效花間體

庭院春深重門深掩寂寞東風睡濃起來繡窗花影重
嬌慵宿粧疑淡紅 待把眉山臨鏡畫還又罷却放翠
簾下盡樓間樓外山倚闌只愁相見難

又

春晝勸繡輕揜羅袖背倚秋千杜鵑年年惱人三月天
錦綵空將心事傳 小玉偷移箏上鴈絃索斷驚起睡
鴛散粉牆西楊柳堤馬嘶誰家遊子歸

又

戊戌歲暮吳中客樓夜思

樓迴人靜雨搖燈影夢繞天涯路賒水邊小梅開幾花
人家酒旗何處斜 客路冰霜驚歲晚情緒懶長是念
疎散小溪濱猶有春故人幾時相見頻

浣沙溪

早春

殘雪樓臺試晚晴，鎖香簾幙釀微醺。淺寒燈市有人行。
別院金刀裁白苧，誰家銀燭度瑤箏。早春天氣已關情。

又

金碧圍屏小博山，錦籠鸚鵡舊雕闌。黃金楊柳弄輕寒。
翠帳半垂鴛鴦結帶，朱門雙掩獸連環。東風猶鎖黛眉彎。

又

暮春雜興

竹檻雲牕古畫圓，煙隄花島小蓬壺。畫長人靜鳥相呼。
元鑿光浮銅雀研，紫綿香冷博山鑪。半欹高枕當人。

扶

又

雨過池塘綠水生竹陰深處小橋橫
魚吹翠浪柳花行
獨倚曲闌魂欲斷
沉思傾國句難成
忽忽春晚更傷情

又

春感

西子湖頭三月天
半篙新漲柳如煙
十年不上斷橋船
百媚燕姬紅錦瑟
五花宛馬紫絲鞭
季季春色暗相牽

又

丁酉早春試筆東錢南金

亂後無詩做好春
春光却又惱詩人
溪頭舉目暗傷神

揚柳官橋人跡絕
杏花歌館燒痕新
相期何處避兵塵

又

折花士女圖

折得幽花見似人
沈吟無語不勝春
采香徑裏鞦韆生
塵
濃綠正迷湘北渚
軟紅不入宋東鄰
一春幽恨幾回新

一落索

新柳

陌上東風初轉暗
黃猶淺金鞭拂雪
記章臺是幾度朱
門掩
千縷柔絲迎面
吹笙人遠粧樓如
冷繡簾垂恐
悞了雙雙鷺

又

外補詩詞卷一
七
縷縷鶯黃拂曉弄烟輕
裊裊春花外萬絲金
記朝罷鶯啼早
學舞楚畹猶小
不禁寒悄
近來張緒減風流
又恐被蛾眉惱

南柯子

次韻衛立禮春街蹋月

門掩黃昏後
風銷絳蠟時
行春小隊
夜參差
一曲僊音
飛上廣寒枝
不訪金釵客
空歌白苧衣
盡橋梅影散
玻璃月底
娑娑帶得暗香歸

減字木蘭花

秋思

錦屏香斷誰在
朱樓吹玉管
喚起淒淒
不似河橋聽得
時
雲階月地
長憶青燈啼絡緯
秋滿間門
斷送潘郎
瘦幾分

又

崔女郎像

紅粧傾國人在蒲東誰畫得玉骨成塵往事流傳恐未
真月明牕戶猶似隔牆花動處夜冷西廂一度魂歸
一斷腸

又

吳江夜泊

江頭日暮客子移舟迷去路望斷天涯燈火深邨賣酒
家銅駝巷陌荒草寒鷓鴣煙樹隔往事無情舊夢依然
到五陵

清平樂

碧桃

瑤笙吹罷月滿僊臺下
詔扇半欹羞澹冶
一點芳塵不惹
臨溪更洗殘粧
低回玉洞春光
換却當時脂臉從

教惱殺劉郎

又

梨花

綠房深窈踈雨黃昏悄門掩東風春又老琪樹生香縹
緲一枝晴雪初乾幾回惆悵東闌料得和雲入夢翠
衾夜夜生寒

戀繡衾

初夏

柳花零亂愁滿天又江城啼老杜鵑小庭院雨初過權
歌聲驚起晝眠微風搖蕩湘簾影浪花斜輕裊篆烟
問白苧裁成未剪金刀猶憶去年

又

辛丑元日

門前爆竹兒女喧野人家時序尚然盡說衙春來好老

來人長怕換季 東風翻底無涯岸也殷勤相過小園
第一是朱顏改縱花開羞插髻邊

又

曹秀文以庚午歲太初老禪泊雲西居
竹二翁燈夕所賦舊藁見示求予追和
屈指三十餘年三老僊去久矣今替之
感不能已於言也時至正辛丑上元日
重逢元夜心暗驚憶當年諸老放情對芳景張燈火盡
堂深簫鼓到明 烏衣巷口東風在甚而今春州亂生
試檢點繁華夢有梅花曾見太平

後庭花

擬古

銅壺更漏殘紅粧春夢闌江上花無語天涯人未還倚樓閒月明千里隔江何處山

又

剝船鸚鵡洲題詩黃鶴樓金谷銅駝夢湘雲楚水愁少年遊好懷依舊故人還在不

蟻術詞選卷之一

蟻術詞選卷之二

元雲間邵復孺著

新都汪 稷校

令

追和趙文敏公舊作十首

客有持文敏公手書所作小詞一卷見
示者且求作長短句題于後公以承平
王孫而嬰世變離黍之悲有不能忘情
者故深得騷人意度予生十有四年而
公薨每見先輩談公典刑問學如天上
人未嘗不神馳夢想昔東坡先生自謂

不識范文正公爲平生遺恨其意蓋可想見此卷辭翰不忝古人藹然貞元朝士大意以謂擬古之作魏晉以下由來久矣僭以己意追次元韻其於先哲風流文采或可備高唐想像之萬一云

點絳脣

擾擾行藏百年世事悲歌裏歡娛有幾不倦青鞵啟

昨夜東風暖透鴛鴦被春歸未故園山水青眼何曾昧

又

著色苔梅

萼綠仙人孤山雪後相逢處舊時村路瓌瓌琅玕樹

玉出藍田不受纖塵汙長懷古羅浮風度夢逐么禽去

感皇恩

憶梅

客裏訪南枝幾番愁惱石逕蒼苔倩誰掃江畔人家籬
外一枝開早雪中回首處春猶好如此清香寒豔應
飽醉帽斜簷任歌倒而今相見那似向時懷抱舊遊長
入夢孤山道

江城子

水仙

凌風翠袖興飄然步履蹁跹忘言淨洗明妝不與世爭
妍玉質金相清韻絕端可擬月中仙天寒日暮水雲
邊忍相捐意難傳回首珠宮貝闕不勝寒環珮珊珊香
冉冉誰敢與鬪嬋娟

蝶戀花

蝶戀花

鷺子樓邊春意早樓上紅粧何似當時好一自畫眉人
去已夢魂暗逐天涯草 蹋蹋馬蹄江路杳數盡歸期
屈指東風老惆悵一春歡事少幾回月落紗牕曉

又

湖上雙雙新燕子飛過垂楊認得朱門裏回首向時歌
舞地幾番惆悵尋鄰里 觸景愁多心似醉倚遍闌干
目斷春山翠忽見呢喃華屋底等閒牽動離人淚

虞美人

天台洞口桃開了無奈劉郎老多情何苦歎途窮人與
花枝都在暗塵中 箇人那日猶癡小簾底秋波渺別
來幾度見春風應是門前花落水流東

梅萼香融霽雲蒼牙煖溜懸冰出林幽鳥動春聲元宵
近愁裏夢還驚村巷依然素月寒窓祇是青燈難尋
遺老問承平南朝事千古獨傷情

凭闌人

題曹雲西翁贈妓小畫

誰寫江南一段秋粧點錢塘蘇小樓樓中多少愁楚山
無斷頭

古調咲令

暮春

雙燕雙鶯飛過柳梢不見舊時王謝堂前回首斜陽暮
烟暮烟暮烟暮芳草落花滿路

又

春水春水薄暮曲闌更倚夕陽江上青山山外行人未

還未還未還還未千里相思不寄

又

官渡官渡猶記畫橈去路小憐歌扇誰尋歲歲東風恨
深恨深恨深深恨風外落紅幾陣

昭君怨

擬古

江外誰家雙漿激破浪花微響金翠小鴛鴦對悠揚
望斷潯陽極浦不是凌波歸處行過畫橋陰又沉吟

阮郎歸

次韻南金早秋夜思

暮雲隔樹起秋陰晚來涼漸深清商瑟瑟和微吟虛堂
風露侵鄰燭淡寺鐘沉青綾懷舊衾故家風度杳難
尋與誰論素心

又

茂陵多病不勝穉多情還倚樓隔江何處泊維舟有人
歌遠遊清興在此生浮老來長是愁西風吹夢白蘋
洲舊鷗今在不

西江月

東城夜思

古屋深燈弄影巖城怨角催更掩門歌枕奈微醒巷陌
烏聲初靜客裏依然好景年來底事無情嫩寒已透
讀書屏舊恨不堪提省

又

賦陶九成甕牖朝光書室

土室融融曙色山窗晏晏春眠東風梳氣滿壺天依約
鏡奩初展晴散茅簷雲彩暖浮紙帳香煙一枝花影

弄嬋娟染就素羅團扇

又

酒闌與南金徜徉村巷各信

意小述

故舊今成二老歡遊長記當時山中吟屐夢中詩多少
晉人風致但得諸郎俊拔不嫌我輩衰遲殘季飽飢
話心期如此差強人意

訴哀情

夜思

滿城鐘鼓夜初寒人靜揜重關驚鳥飛繞庭樹月已上
闌干微有興澹無數小盤桓良宵如許香冷金猊夢
繞青鸞

太常引

次韻黃伯陽寒夜

玉梅花底舊青燈照我鬢星星寒透遠山屏無夢到春
爐酒餅江空歲晏路迷人遠消得幾沉疑一夜玉壺
冰又惱得文園病成

又

次韵伯陽雪中

銷金帳底燭花偏
佢唱擁嬋娟
遙夜酒杯傳幾沈
沈醉瓊林洞天
梅花如舊竹窓猶在
畱得煮茶煙獨欠釣魚
船待歸問羊裘故川

菩薩蠻

新秋夜涼浴罷露坐

清江倒浸雲峰巧
采菱渡口輕舟小
水面晚風香
菖葭搖嫩涼
滿湘人漸老
玉珮驚秋早
鷗鳥慣忘機
昔人何處飛

又

金風簌簌敲梧井，畫屏耿耿搖燈影。
屋角月華明，樹頭鳥鵲驚。
年光流水去，青鏡催遲暮。
便欲泛仙槎，迢迢河漢賒。

又

蘇小小像

錢塘回首春狼藉，湖山依舊橫金碧。
何處是兒家，粉牆楊柳斜。
佳期難暗卜，檀板傳心曲。
隨意帶宜男，就中應未堪。

調金門

秋望

秋雨裏，目斷一溪煙水隱隱。
人家疎樹底，渡頭燈火起。
風弄遠汀蒲葦，香冷虛堂窻几。
陡覺夜涼侵翠被，好

懷今有幾

又

山隱隱天際暮雲收盡蘋末秋生風漸緊楚江千萬頃
江上美人無信換却潘郎雙鬢幾夜相思天遠近雁
來猶未準

點絳脣

暮登新安鎮城樓

暮倚高樓太湖西畔青山近鴈邊雲瞑目力隨天盡
落日平蕪點點餘烽燼西風緊亂沙成陣故惱雙蓬鬢

又

荒草寒烟幾年不到新安路舊時行處流水迷官渡
萬里風埃掇送流年度傷遲暮東馳西鶩俛仰成今古

又

秋夜橫泖旅牕聽雨有懷故

園

兩鬢秋風掩關坐聽黃昏雨燈前自語世亂甘清苦
萼州愁烟荒却東陵圃歸期阻荆榛滿路投老知何處

又

高照菴先生宋朝遺老也嘗有長短句
云夢遶荆溪鱗肥邨甕滿每誦之自可
想見村落秋深景物近見吳楚舟誦而
涵泳不已有當予心故述卽景且期後

約

極目平蕪渚寒烟暝秋波遠鳧鷖散亂黯黯天涯晚

蟹壯尊香村甕家家滿頻相見幽懷共展剪燭巴山館

江城子

癸丑歲季夏下澣信步至漁溪潘氏莊
暑雨初霽夕照穿林與吳野舟坐綠樹
間適行囊中有松雪翁所書江城子逸
態飛越不忍釋手因依調口占以寄清
興古人云人生百年間大要行樂耳卒
章以此意爲消憂之勉云

踈雲過雨漏斜陽樹陰涼晚風香野老柴門深隱水雲
鄉林下草堂塵不到親枕簟懶衣裳故人重見幾星
霜鬢蒼蒼視茫茫把酒獻歛唯有歎興亡須信百年俱

是夢天地濶且徜徉

花間訴衷情 擬古

江路風雨春又去掩重門樓上暮山翠鎖愁痕烟草弄
黃昏王孫好懷誰與論暗消魂

又

晝永人靜花弄影小紅粧斜倚盡闌畔看鴛鴦風暖思
悠揚橫塘桃花流水香盼劉郎

又

追配曹居竹翁舊作

深院人勸春去遠綠陰寒宿酒睡初醒凭闌干梅子翠
團團小鬟試攀薦雕盤愛微酸

鬲溪梅令

和南金鴛湖舟中韻

幾年不到畫橋西路依稀回首淡烟殘柳昔遊非遂聲
何處悲 故人不見夢魂迷草萋萋幾度倚闌欲寄舊
相思相思無盡期

玲瓏四犯

秋感

秋晚登臨漸古驛丹楓初試霜信暝宿河橋長記畫橈
乘興清夜載酒呼燈向水面琵琶曾聽想那時席上歌
舞多少舊家風韻 茂陵投老惟多病好情懷怎堪提
省西風又動江湖夢歡事今誰領重見縱有後期怕冷
袖弓腰難認最惱人沙上孤鴈落寒成陣

暗香

吳中顧氏舊時月色亭陸壺天倡始用

白石先生元韻以詠黃一峯持卷索賦
水邊寒色又怎禁傍晚一聲長笛廢苑日斜玉蕊踈踈
未快摘回首江南舊夢何處覓黃昏詩筆縱近日雪滿
西冷誰解爲移席 簫瑟更幽寂記駐馬斷橋頭覺愁
積倚風暗泣離黍殘碑尚追憶絕艷無人管領朝朝落
吳山橫碧便想像風景好可能再得

掃花遊

春晚次南金韻

柳花巷陌悄不見銅駝采香芳侶盡樓在否幾東風怨
笛凭闌日暮一片閒情尚繞斜陽錦樹黯無語記花外
馬嘶曾送人去 風景長暗度奈好夢微茫艷懷清苦
後期已誤剪燭花未卜故人來處水驛相逢待說當年

恨賦寄愁與鳳城東舊時行旅

氏州第一

丙申初冬次錢素菴韻

江國初寒雲外鴈過懷人烟浪千頃短策行吟荒臺延
佇斜日依然照影鷗鳥橋邊幾負了扁舟清興舊約蹉
跎新詩冷落怎堪提省故里年來歡事迴算何似向
時風景倚馬朱扉調箏翠袖一向新盟冷但沈思遊宴
處紅樓外柳條相映不見君來待重尋山陰夜艇

木蘭花慢

蘇昌齡過曹雲翁貞溪故居賦詞致慕
蘭之感幼文來致其意求次韵入卷

訪溪翁隱處渾不減輞川西指花下吟牕松間畫壁名

筆交題經行向來坊陌
藹茂林脩竹與雲齊
丹竈遺基彷彿墨池
流水悽迷青藜乘輿
蹋春口仙路入桃蹊
歎前輩風流故家文物
往夢難提那能九原重起
向三生石上縱揮犀
回首不勝魂斷夕陽芳草萋萋

長亭怨慢

楊花

正愁怕曲江雲盡
轉首隋堤尚留芳景
客路相逢滿身香影
動離恨綠牕深窈
渾不寄天涯信
暗憶那回時向馬足車輪
長是隨趁問春心
何在一點沾泥無準
潘郎怕老又禁得
雪添雙鬢悵日暮靜掩
長門且頻囑東風
休緊謾猶記章臺
簾捲日長人困

渡江雲

庚戌臘月九日與邦仲義同往江陰是
夕泊舟無錫之高橋亂後荒寒茅葦彌
望朔吹乍靜山氣乍昏復明起與仲義
登橋縱目霜月遍野情懷恍然口占紀
行求仲義印可

朔風吹破帽江空歲晚客路正冰霜暮鴉歸未了指點
旗亭弭櫂宿河梁荒烟亂草試小立目送斜陽尋舊遊
恍然如夢展轉意難忘堪傷山陽夜笛水面琵琶記
當年曾賞嗟老來風埃憔悴身世微茫今宵到此知何
處對冷月清興猶狂愁未了一聲漁笛滄浪

八聲甘州

次錢思復懷錢塘舊遊韻

歎前朝勝地正離離荒草不勝春縱湖山尚好泉乾虎
跡井闕龍鱗多少王侯第宅遊賞太平身車馬經行處
錦繡紛紜 夢裏曲江宮殿自長安日遠深鎖愁雲念
牆頭楊柳憔悴向誰顰又東風鳥啼花落黯黃昏胡騎
滿城塵當時事不堪回首重問陳人

法曲獻仙音

寄壽雲西老人時吳興張石隱武林謝
長源會稽胡伯大海隅王子章皆留老
人賓館三月二十八日也

殺雨晞晴柳風吹暖春在綠陰深處青鳥傳書羽僊清
道天香暗滿牕戶準擬問長生路桃花幾千樹黯疑好

看班衣近來得意雲路迥千里易成濶步銅狄儘摩
挲任高堂暮景容與見說西園有佳賓醜酒同賦恨牡
丹花下此際不陪樽俎

滿江紅

丙午重陽前二日雨霽泗涇

倚闌望九山

雲瑣吳山重陽近滿城風雨層樓外摩挲病眼尚堪延
佇采鞠有誰忘世慮催租底事妨詩句縱烏巾潦倒不
禁秋猶能賦村隱隱牛羊路烟冉冉蒹葭渡是幾番
興廢幾番今古世亂可堪逢節序身閒猶有餘風度且
憑高呼酒發狂歌愁何處

又

已酉九日雨中家居憶夏士安頤貞蒙
亨姝姪唐元望元泰元弢昆季六人皆
常年同萸菊者一載之間俱罹患難各
天一方信筆紀懷有不勝情者矣

風雨重陽憑誰問故人消息記當日承平節序佩環賓
席處處相逢開口笑年年不負登山履是幾番扶醉插
黃花烏巾側 詩酒會成陳迹山水趣今誰識奈無情
世故轉頭今昔冰雪關河勞夢寐芝蘭玉樹埋荆棘對
西風愁殺白頭人長相憶

洞仙歌

賦孫明升水光山色舟

紅塵海裏好風光誰有輸與滄浪釣竿手信翩然一葦

目斷空濛烟草外，歷歷湘雲楚岫。謔隨春浪去，路入桃源，肯爲繁華暫回首。歲晚若歸來，縱鷗鷺忘機，莫繫纜。漢南楊柳，口好乘興，凌風訪蓬萊。爲說與麻姑、海棠依舊。

江城梅花引 己卯除夕

燈前兒女小團圓，歲將闌，夜將殘。一度逢春，一度減朱顏。明日東風三十二，又添得，二毛侵鬢底斑。世間世間，行路難。身世間，天地寬。往事，往事，恨未了，長恨，儒冠。爆竹聲中春又到，柴闕一任黃塵，門外擾。且留取，舊梅花，獸自看。

又

陸壺天錢素菴二老相會皆有感懷承
平故家之作索予次韻而不及當道作
者蓋俯念州木之味也

五陵春色舊曾游翠蛾詎錦纏頭
花落花開不信有并州
淺碧障泥紅叱撥柳橋外滿東風
無點愁近來近來
來雙鬢秋心漸收情尚留底事
底事遽如許身世沉浮
何況年華長向鏡中羞
繞見那時簾外月便想起醉吹
簫卷盡樓

祝英臺近

和雲西老人秋懷韻

暮天雲深夜雨幽興到何許
風拍疎簾燈影逗牕戶
自從暝宿河橋露聽江笛久
不記舊遊湘楚正無緒可

奈滿目清商蕭蕭五陵樹斜掩屏山腸斷庾郎賦幾回
思遶蘋花夢尋蘭棹怕驚起故溪鷗鷺

紅林擒近

水村冬景次錢素庵韻

雲樹風初勁霧牕晴尚慳鴈落野塘暝鶴鳴水村寒重
來尋梅逕裏漸喜嫩萼堪看向日院宇荒閒香冷舊銅
盤 凡格橫素帙屏壁淡烟巒弓腰冷袖多情維憶前
歡但濕存羔酒留連獸炭暮江欲雪年又殘

又

冬雨晚晴次謝士英韻

山晚牛羊下野荒鳧鴈肥雨脚度江遠日光映林微泥
深何堪縱步倚杖謾立苔磯望極浦口雲歸寒氣透征
衣 斷冰隨浪攲斜竹偃風靡江空歲暮村深人跡還

稀待霜橋梅破茅堂酒暖放船速客延口暉

春草碧

次韻素菴遣懷

更籌圖子宣和譜流落到如今空懷古江南荒草寒煙
前代風流共誰語猶有賦騷人迷湘浦烏衣巷口斜
陽悵悵院宇玉樹後庭花誰能舉五陵殘夢依稀回首
天涯歎行旅馬上杜鵑啼愁如雨

隔浦蓮

水檻晚晴

冰紈光暎素手竹簾醒殘酒滿院梅風起踈雲薄斜陽
漏蘭棹歸去後詩人瘦夢繞瀟湘柳屢回首開簾傍
晚烟中微見青岫滄浪遠與爲問白鷗知否十里平湖
縱望久涼透江蓮香度踈牖

卷二終

蟻術詞選卷之三

元雲間邵復孺著

新都汪 稷校

慢

蘭陵王

春日寄錢塘諸友

舊時月曾照河橋夜別秋千下花露染衣倚馬相看動
愁絕登臨黯望徹思落吳山萬疊江村路春水乍生南
浦迢迢恨難越 匆匆換時節怪驛未緘鱗□□□□
平湖入夢情猶切嗟樂事長在壯遊都誤酣歌迷舞興
未歇耿前恨休說 悽咽亂愁結記詩滿花牋歌喚桃
葉琵琶水面今誰撥但碧檻長倚楚籬空擷相思難寄

待更把斷柳折

又

王彥強以暮春有懷吳中故居之作見
示此公蜀故家因以蜀語次韻答之

錦江綠長想秦城在目瞿塘上春水艤船十二遙峰翠
如簇羈懷未易觸斜日平原散牧潘郎愛年少宦遊遮
莫吳霜鬢邊撲 名家舊韋曲記兩臥叢花春覆慈竹
東來重問烏衣屋愁濯錦人遠剪燈窓靜歸心偏是夢
裏速更題柱曾卜 悽獨帶移束正驛路騶嘶烟浦帆
宿遨頭風度猶能續儘客館歌舞故人醺醖薛濤箋上
寫恨處字可掬

又

歲晚憶王彥強而作

暮天碧長是登臨望極松江上雲冷鴈稀立盡斜陽耿
相憶凭闌起嘆息人隔吳王故國年華晚烟水正深難
折梅花寄寒驛東風舊遊歷記草暗書簾苔滿吟屐
無情征旆催離席嗟月墮寒影夜移清漏依稀曾向夢
裏識恍疑見顏色空惜鬢毛白恨莫趁金鞍猶誤塵
跡何時弭棹蘇臺側共漉酒紗帽放歌瑤瑟春來雙燕
定到否舊巷陌

八歸

庚辰七夕與衛立禮同用此

調

涼欺羽扇風生新竹秋意漸滿院落商聲又過梧桐井

還誤剖瓜佳會汎槎仙約謬憶中庭兒女夜幾笑語花
樓歡樂尚認得織女橋邊半是舊烏鵲 何事明河影
下佳期如許暗抱一襟離索箭壺催夢枕屏移恨是青
春行客對良宵感舊髻髮蕭蕭歎潘岳闌干迴翠簾休
卷待到更深啼螿聲又作

又

秋夜詠懷寄錢南金

清蟾半露驚烏三匝城上漏水乍滴微涼已透瀟湘簾
還見小簾搖砌淡燈垂壁夜色迢迢人睡去正想到山
陽吹笛做弄得客裏文園病後更無力 還是秋期過
了鳴蛩牕戶又對新詩相憶片雲天外數峯江上幾誤
湘靈瑤瑟嘆流光過眼宋玉多情共今夕滄浪興扁舟

客與醉帽飄蕭亭臯清望極

摸魚子

歲晚感懷寄南金

見梅花一番驚感天時人事如許星霜冉冉東流水牢
落少年心緒時自語甚門外風埃綠鬢生塵土故人間
阻奈歲晚相思雲寒悵望此意轉悽楚 髫年夢俛仰
已成今古人生幾度歡聚故鄉景物渾非舊愁裏匆匆
時序能記否記剪燭西窗暝坐聽風雨春來更苦奈酒
量微增詩情未減何處喚儔侶

又

寒食雨中

倚闌干暮雲千里天涯芳草悽楚惜惜巷陌重門掩何
況滿牕疎雨江上路又還見黃金暗柳千萬縷荒村歲

序縱燕子新來梨花未掃好景自虛度 江淹老誰解
重吟恨賦東風依舊南浦青烟店舍長安道夢裏翠屏
朱戶間院字悵猶記佳人秉燭深夜語新詩謬與奈世
事驅馳流光荏苒回首更延佇

又

題王德璉山居圖

遍乾坤好山無數古來高隱能幾相逢盡道林泉勝無
奈利名朝市青嶂裡望曲逕深門彷彿柴桑里先生傲
世任短褐長鏡清琴濁酒占斷晉風致 疎林下別有
談元麈尾清風長滿牕几門前剝啄何須問應是采芝
仙子誰可比已不減當時鷄犬空中起留連晚計儘穴
石藏書鈿雲種玉千古有靈氣

又

吳門客中九日次魏彥文韻

鴈來時晚寒初勁青燈搖動牕戶商聲暗起鄰牆樹觸
景亂愁還聚秋又暮奈合造淒涼無處無笳鼓狂唸醉
舞記滿帽簪花分籌藉草騎馬忘歸路 懷人遠有恨
憑誰寄語虛名長是相誤天涯節序渾非舊畱得滿城
風雨心萬縷謗自喜孤高不惹沾泥絮羈懷倦訴好分
付兒曹耘耜三逕早晚賦歸去

又

甲辰季秋與夏頤貞同在吳門屢有登
山之興久雨不果重陽日友人羅仲達
以節物爲具同席數人意頗歡適乙巳

九日在九山之東泗水上酒闌散步夕
陽依依岡巒在望興懷往事不能無述
未知明年又在何處駒隙如馳行樂能
幾所謂難逢開口笑也

記年時滿城風雨姑蘇臺下重九客樓已辨登臨屐曾
爲好山回首延佇久望翠壁嶙峋閒却題詩手相逢野
叟強咲折黃花亂簪烏帽來與共尊酒 流光去肯爲
閒人宿留驚心節序依舊西風只麼吹蓬鬢病骨尚堪
馳驟官渡口便擬喚扁舟往問江潭柳明季健否縱世
故無情未應遲暮辜負此時候

賀新郎

沙德潤任以南相與追和貫酸齋琵琶
詞韻拉予同賦第元韻出入讀之不純
也

馬上貂裘裂料明妃幾番回首舊家陵闕留得胡沙千
年恨寫入冰絃四列想歷遍關河風雪彈動伊涼哀怨
曲把梨園風韻都消歇南部樂向誰說 多情只記瀟
湘瑟縱而今宮移羽換此懷難竭便有傳來中原譜終
帶寄蘆烟月甚長是未歌先咽顧曲周郎今已矣滿江
南誰是知音客人世事幾圓缺

又

題王德璉水蠅卷

一段江南綠望依依沙鷗起處輞川橫幅十里平郊人

煙聚掩暎汀洲幾曲試與問隱君林屋花逕竹門春窈
窕有蒼顏綠鬢人如玉揮白羽跨黃犢 高清楚繼巢
由躅向滄浪濯纓垂釣自歌還續手種陂塘千株柳隔
斷紅塵萬斛算歌有漁舟來熟待約西施同載酒趁桃
花浪暖相追逐尋勝地訪遺俗

又

曹園紅梅數種十餘樹雲西老人手植
也時殊事異殘枝存者無幾其孫幼文
命客飲于其下永嘉曹新民賦詞爲詠
予適有出不與越數日幼文持卷來求
次韻席上口占以荅

海底珊瑚樹問鮫人幾時擎出碎爲繁露倩女拾來細
成佩妝點江南歲暮便掩映含章牕戶更著絳綃籠玉
骨怕黃昏不向孤山路銀燭暗未歸去 夢中曾被梨
雲誤最難忘長沙形勝水聲東注若見何郎須相報不
改揚州韻度道穠豔尚重賦一點酸心渾不死笑桃根
桃葉非吾故空谷底謬延佇

沁園春

龍洲先生以此詞咏指甲小脚爲絕代
膾炙繼其後者獨未之見彥強庚兄示
我眉目二作真能追逐古人於百歲之
上不旣難矣暇日偶於衛立禮座上以

告孫季野丈爲之擊節不已因約相與
同賦翼日而成什焉

巧鬪彎環織疑嫵媚明粧未收似江亭曉玩遙山拂翠
宮簾暮卷新月橫鈎埽黛嫌濃塗鉛訝淺能畫張郎不
自由傷春勅爲皺多無力翻作嬌羞 填來不滿橫秋
料著得人間多少愁記魚牋緘啓背人偷斂鴈鈿膠併
運指輕揉有喜先占長鞦難效柳葉輕黃今在否雙尖
鎖試臨鸞一展依舊風流

又

漆點填眶鳳梢侵髻天然俊生記隔花瞥見疎星炯炯
倚闌延佇止水盈盈端正窺簾蕾騰凭枕睥睨檀郎長

是青銷疑久待媽然一顧密意將成 困酣時倚銀屏
強臨鏡按抄猶未醒憶帳中親親似嫌羅密尊前斜注
翻怕燈明醉後看承歌時鬪弄幾度孜孜頻送情難忘
處是香羅溫透別淚雙零

又

早春雨中遣懷

菜甲封泥桃英怯凍淺寒尚濃正小牕深掩暮雲低密
顏垣半露殘雪玲瓏冷逼單衣愁欺勅枕暗度一番花
信風年光在但塵襟耿耿鏡鬢匆匆 十年舊夢無蹤
算何異天涯隨轉蓬甚惜惜坊陌燈宵閒過沈沈烟雨
酒興誰同鳥已春聲人猶舊感點檢芳菲前事空鷺花
好更明年此際何處相逢

風流子

次李仲與秋思韻

芙蓉秋水綠河橋畔駐馬落霞明念蘇小畫樓蠹侵花
簡謝壤朱戶香冷銀屏悵猶記潯江留夜客滕閣醉詩
賓驛上信音美人遲暮鴈邊城郭霜氣淒清 潘郎愁
多少傷情處無奈兩鬢星星江路晚風三疊長是愁聽
縱絲筆殷勤近來無準畫閣縹緲一向誰憑何處笛聲
哀怨幽夢難成

霜葉飛

小溪歲晚與南金夜坐分韻

晚風吹醒梅花夢墜窓人倦無語楚天雲澹鴈淒涼何
况黃昏雨又忽忽驚心歲序村荒更迴無鐘鼓對夜色
蕭條謬借得孤缸耿耿獨照離緒 憔悴怨墨頻題征

衣慵整怪却雙鬢如許故園猶是舊東風往事今塵土
但憶著章臺柳樹十季青鏡催遲暮任艷懷如流水芳
草王孫有誰能賦

花心動

黃伯陽歲晚見梅適遇舊賦以贈別持
行卷來求孫果翁衛立禮洎予皆和

東閣何郎記當時曾賞舊家紅萼綵筆賦詩綠髮簪花
多少少年行樂自從驚覺揚州夢芳心事等閒忘却斷
魂處月明江上路迷天角老去才情頓薄奈客聚相
逢共傷漂泊洗盡艷粧留得遺鈿尚有暗香如昨歲寒
天遠離杯短匆匆去孤懷難託向花道春來未應誤約

又

贈散妓蟾宮秀

塵滿人間有誰能分得廣寒風度謾道小嬌疑是前身
曾到巖花深處九霄宮殿春長好只合伴霓裳僊侶問
何事等閒回首却迷塵趣縹緲瓊樓玉宇奈霧鬢烟
鬟不勝風露小試倩粧繞近芳尊已變世間歌舞想應
羞見嫦娥寡重來傍巫山行雨總忘了青冥向來去路

南浦

次韻荅南金見寄

烟水隔殊鄉又匆匆誤了躡青時候一別幾多時河橋
外官柳青條猶瘦君來爲問渡江桃葉曾來否生怕木
蘭雙艇子只道故人依舊孤村寒食駭尋料歸期漸
近花開休驟油壁耐東風先拚取同醉亂紅千畝憑闌

望久幾番魂斷烟中岫從此相逢休草草莫對夕陽搔
首

西河

一春索居况味殊惡賦此紀
懷

春夢覺一聲何處啼鳥東風二月舊江南庾郎暗老嫩
寒日日禁單衣闌干憑遍清曉水涯柳條漸好玉驄
幾度曾到如今巷陌蹋青時人去杳杏花不在宋東
鄰苔墻猶自圍繞鳳鞵次第又闌州暗淒涼前度懷
抱病後不禁愁惱怕西園路濕殘紅如掃空憶花前纖
署嬌

蟻術詞選卷之三

蟻術詞選卷之四

元雲間邵復孺著

新都汪 稷校

慢

六州歌頭

戊申歲一春強半風雨不可出戶者至
有兼旬之久三月九日寒食烟雨中望
鄰牆桃花殆欲零落感人事之不齊歎
芳時之易失信筆紀述斐然成章桓司
馬謂樹猶如此人何以堪今乃信之矣
劉郎老去辜負幾東風思前度元都觀舊遊蹤怕重逢

新種桃千樹花如錦應笑我容顏改渾不比向時紅
我亦無情久矣繁華夢過眼成空縱而今再見何似
城中往事匆匆任萍蓬憶歡娛地經行處秦樓畔
橋東春冉冉花可可霧濛濛水溶溶幾度題歌扇歌醉
帽繞芳叢時序改人面隔鬢霜濃別有武陵溪上秦
人在仙路猶通待前村浪暖鼓楫問漁翁此興誰同

東風第一枝

年來逆境驅馳不知歲序之有遊賞忽
忽春風徒起浩嘆庚辰新正與南金剪
燈小酌分題寫懷追念古人樂事今無
一在眼時於文字中見其一二遂各想

像舊事爲之然心之所好亦寂寞中一
樂也予得此調南金得春從天上來

舞館簪蛾譙門試角疎燈時弄春影曉簷鐵馬敲晴夜
箏錦鴻送冷銅馳陌上早官柳輕黃籠暝料小樓一枕
微醒已被嫩寒欺醒 花信阻瑣牕慣靜芳事杏翠衾
倦整晚粧似怯梅鈿舊香尚疑篆鼎朱門雙揜向鬪鳴
闌干慵並待灞橋重暖新爐擬約倩桃蘭艇

又

春來兼旬寒氣不減舊騰正月廿二日
曹雲翁招飲聽雨西牕南金偶道及前
作翁欣然命筆次韵故又口占爲謝

亂雨敲牕深燈暈壁孤屏相對吟影醉餘夢蝶難尋起
來睡鴛較冷東風急處又卷得殘雲催暝奈暗愁忽到
梅邊夜半粉香熏醒 門正掩暮簾乍靜花未開小車
預整鬪茶尚憶分曹賦詩更聯古鼎春衫備試怕誤了
金鞍相竝待小桃開滿前溪且踏武陵漁艇

春從天上來 次南金早春韻

九陌香泥正楚館欺寒裊裊春鷄兩行簾底銀燭千枝
花市笑語聲齊喜盤行纖手剪生菜巧簇青絲晚晴時
漸紅葉照眼黃柳舒眉 東風舊家樂事奈酒興沉沉
舞隊儻儻小譜鸞牋重樓羯鼓生怕悞却花期好情懷
都改年光在物換星移誤芳菲想六橋燈火猶繞蘇堤

齊天樂

甲戌清明雨中感春

離歌一曲江南暮，依稀灞橋回首。立馬東風，送人南浦。認得當年楊柳，梨花過後，悄不見鄰牆。弄梅纖手，綺陌東頭，箇人還似舊時否。相如近來病久，縱膏圍暗減，猶未全瘦。宿酒昏燈，重門夜雨，寒食清明依舊。新愁謔有第一，是傷心粉，銷紅溜。待約明朝，問舟官渡口。

又

己卯春客樓雨中懷小谿故人
人行樂

東風吹雨，春城晚黃昏。小樓人靜，燕子朱簾，燕門畫角。收拾柳邊殘暝，微燈照影，歎塵滿書牀。火銷香鼎，客裏王孫，故家樂事尚能省。人生壯遊幾許，舊鷗應怪我。

沙上盟冷刻燭催詩傾尊歛話長憶西窗風景相思有
興待官渡回潮莖橋吟艇莫遣啼鴉夜深驚夢醒

又

戊子清明次曹雲翁韻

深牕暮灑梨花雨隨風亂零如霰寒食初過連陰未解
黃昏酒闌人倦春鐙謾剪怪濃潤沾衣淺寒迎面芳事
蹉跎彊將花譜自舒卷 天涯芳艸漸滿踏青晴路阻
闌檻凭遍鶯隔重門舟迷晚渡應是不勝清怨歡遊未
展縱不奈悽迷懶尋消遣只怕晴時落紅千萬點

又

甲午七月望後橫泖客舍驟雨頓涼秋
聲滿樹小窓暮倚四無人聲暝色疑烟

不勝悽黯闔戶呼燈著此以紀旅思

碧梧庭院秋聲早
惜惜暮天雲影雨
送涼蟬風欺勸翼
絡緯猶啼金井疏
牕弄暝正犀押簾
垂盡屏燈冷節序
依然旅懷長是歎
流景舊家園苑廢
久歲寒松桂在
清事誰領待月幽
軒尋涼小艇斷夢
有時提省乘槎路
迴便逸興相牽倦
塗難騁甚日歸來
傍湖畔二頃

又

乙未春暮錢素菴見和前韻
再歌以謝之

柳花飛滿春歸路
隔江暮雲搖影草
暗河橫塵昏水驛
難覓僊翁丹井年
光漸暝任老髯霜
凋壯心灰冷世故
紛紜寄書長擬問
弘景山林多少勝
地四時蕭散處

譚笑能領小舫尋詩輕裘把釣此意只今誰省斜陽迴
迴算往夢難追曠懷休騁目斷南湖平蕪千萬頃

又

戊戌冬初領省檄會無錫州將李正卿
同檢踏屯田秋稼此邦兵餘民居蕩析
皆黃茆白骨之境眼界殊惡李侯索賦
道間口占復命

西風滿面吹華髮肩輿徧行荒野艸莽無垠人煙掃跡
猶有青山如畫斜陽又下奈倦宿軍營喜逢田舍官事
驅馳旅途情緒頓衰謝 天邊雁飛漸遠故園回首處
離恨難寫寒入征衣雲遮望眼忘卻向來滿灑塵氛未

解便好問歸舟早圖休駕夢遠寒谿小梅應綻也

又

次韻王原吉龍江別業

去年弭擢龍江市曾瞻故人衡宇樹隔琴牀芸香書屋
擣藥時鳴清杵壺籤報午想頻拂詞箋間修花譜如此
幽閒雅宜連榻聽風雨多君曳裾相府縱風流文采
終帶清苦借筯籌帷持杯說劍長歷漢臺秦礎尋幽訪
古便後約須期細論重與歲晚山中茯苓還共煮

又

張翔南寓金陵時嘗有寄金子尚魏彥
文洎諸詞友之作乃辱彥文見念獨以
賞音見許而不知予頻年連嬰逆景久

疎詞筆非復向時懷抱矣戊申秋抄邗
仲義持示詞卷且辱彥文寄聲併索近
作入卷乃爲倚歌二闕其一以荅彥文
其一以喜翔南還家

當年放浪蘇臺下長從故人詩酒繭帖飛花鷓鴣絃度曲
思繞閨門楊柳星霜易久悵十載分攜幾番回首滄海
塵昏屋梁落月尚依舊 山林何處寄傲不如人意事
長是八九有客傳書多君玩世况是不忘衰朽明朝見
後縱少壯難追好懷還有醉墨淋漓浩歌開笑口

又

寄張翔南

六朝千古臺城路傷心幾番興廢形勝空存繁華暗老

舉目江山還異風塵萬里奈遷客驅馳去程迢遞故舊
相望鴈邊消息縵難寄春風鳳凰臺上轉蓬回首處
應歎身世江總情深陳琳檄倦投老竟成歸計斜陽某
水且淨洗緇衣任休行李只怕東山興來還又起

霓裳中序第一

中秋後二夕對月

秋堂氣漸肅暮角吹來聲斷續凭遍闌干幾曲又涼戰
庭梧風敲簷竹多情宋玉對楚天無奈幽獨中秋過月
華未闕夜色燦如燭空谷美人壽束又老盡江南草
木愁來心緒易觸目斷瑤臺夢遠金屋鴈歸猶未卜且
漫放題紅去速悽迷處年來詩髻換動鏡中綠

疎簾淡月

和黃伯成吳興道中韻

蒼煙古木漸暝入小溪
鷗鷺如玉斜倚孤蓬
眺晚毳裘寒肅秋孃
渡口山橫處舊曾尋
五陵芳躅盡樓燈
火如今冷落塵滿華屋
奈景物因人反覆算
千古風流今有誰
續茗水東邊月上酒醒人
獨角聲吹老梅三弄想
依稀曾夢蛾綠西風回首
山中有人滿頭黃蘗

角招

故園舊有老梅數樹自庚午至庚辰十載之間六遭巨浸無一存者年來惟起步月前村之歎辛巳正月廿四日曹雲翁以紅萼一枝見予風度絕韻舊感橫

生念之不置因綴此闕爲解併以謝翁

焉

夢雲杳東風外畫闌倚遍寒峭小梅春正好謬憶故園
花滿林沼天荒地老但暗惜王孫芳艸鶴髮仙翁洞裏
爲分得一枝來便迎人索笑牕曉冷香窈靄幽情雅
澹不減孤山道舊愁渾欲掃却明朝新愁縈繞何郎易
惱且約住傷春懷抱綵筆風流未少更何日玉簫吹金
尊倒

又

次黃伯陽茗溪舟中韻

暮雲起茗溪上盡橈蕩漾漾春水道人烟浪裏信筆賦詩
千古無此吳頭楚尾問舊日陶朱鄰里擷得江蘼寄遠

向天角歇孤帆且行行休矣吟倚 柳陰傍晚花期暗
數芳事今餘幾舊遊難屈指化鶴歸來依然城市紛紅
鬧紫豈不羨山林宮徵更約唵船共艤臍判得落殘花
欺行李

憶舊遊

追和魏彥文清明韻

記烏衣巷口灞水橋邊問柳尋花竟日追遊處儘揮鞭
繡陌珥擢晴沙酒闌美人歸去香擁碧油車自綵筆題
情金鐙欸醉幾度年華 天涯故人遠料對景相思應
念無家又見分榆火奈移根換葉往事堪嗟小樓倚遍
殘照長羨暮樓鴉賴伴我消魂逸岑寸碧三四了

水龍吟

戊申燈夕雲間城中作

兵餘重見元宵淺寒收雨東風起城門傍晚金吾傳令
遍張燈市報道而今依然放夜縱人遊戲望悵悵巷陌
星毬散亂經行處無歌吹太守傳呼迢遞謾留連通
宵沉醉香車寶馬火蛾麪繭是誰能記猶有兒童等閒
來問承平遺事奈無情野老聞燈嬾看閉門尋睡